

DISSERTATIO JURIDICA,
De
PACTIS
ANTENUPTIALIBUS
VIII. CAP. GB.

QUAM
ADNUENTE CONSULTISSIMA FACULT. JURIDICA
IN REG. ACAD. AEOËNSI,

PRÆSIDE
MATTHIA CALONIO,
JURIS PROP. REG. ET ORD.

Publicæ disquisitioni submittit

FRIDERICUS MELART,
Wiburgensis.

In AUDITORIO MAJORI Die XX Junii MDCCCLXXXI.

H. A. M. C.

A B O Æ
Impressa apud Viduam Reg. Acad. Typ. J. C. FRENCKELL.

deprehenduntur: ita idem circa hanc accidit bonorum communionem, quippe quæ, cum ex intentione legum latoris pacis ac mutuæ concordiæ nutrix, & conciliatrix nuptiarum esse nunquam non deberet, in insaustam litium ac discordiarum matrem & grave matrimoniorum obstaculum degenerare aliquando posset, nisi temperamentum quoddam pro re nata adhibere eidem liceret. Sane, quoties vel magna adest inter futuros conjuges ætatis simulac facultatum disparitas; vel secundæ ineuntur nuptiæ, liberis ex priori thoro five utrinque, five ab alterutro solum latere existentibus; vel beatæ bonis paternis virginis processus se offert, ære alieno gravatus, insuper in promissa facilis, spei plenus & liberalitatis famam ubique captans: toties fere justa adest metuendi caussa, tristium ac periculofissimorum eventuum plenum futurum esse matrimonium, nisi generalis illa legis de communicandis bonis provisio, provisione quam adjunt hominis, quæ potentior semper esse solet, quadrantenus corrigatur. An credet aliquis, defunctæ e.g. uxoris liberos, æquo latuorū animo præceptam sibi a paupere pariter ac ingrata novacea, non tam seniles amores, quam luerum potius captante, ultra semissim integrum vel trientem speratæ paternæ hereditatis? An continuis calebit ignibus peccatus dattæ bene uxoris in maritum, cuius culpa, cum de suo laute vivere potuisset, imprudens ad mendicitatem redacta, esurire cogitur? Nonne funesta ex his caussis enata sæpe suisse dissidia, & integras familias capi-

3

capitalibus inter se inimiciis commissas quotidiana loquitur experientia? Hinc cum publicæ rei valde intersit, omnes, quoad ejus fieri possit, inter eos in primis, quos aut connubiale fœdus, aut communis sanguis, aut adfinitas conjunxerunt, præcidi rixarum occasiones; neque cogendos ad eam quæ ex lege est bonorum societatem conjuges Jura nostra voluerunt: sed privato potius nuptiales tædas meditantum arbitrio permiserunt, utrum eadem uti, an super aliis atque aliis, quas circumstantiarum ratio suggesserit, circa bona sua conditionibus de futuro matrimonio pacisci velint. Quod quidem legibus nostris vitio tanto minus verti debet, quo manifestius sit, ad summam, quæ per rerum naturam haberri potest, juris civilis perfectionem id in primis conducere, ut in caussis cum salute universæ civitatis immediate non connexis & singulare tantum paciscentium commodum concernentibus, quamvis & generalem iis præscribere expediat normam, connata sua cuique constet libertas, juri pro se introducto, si id e re sua esse intellexerit, renunciandi. Est scilicet legum civilium cayere solummodo, ne obtentu hujus libertatis quidquam in fraudem aliorum & publicæ rei detrimentum admitti queat. Quia vero a nemine, quod e quidem resciverim, data opera expositum est, quid circa hæc pæcta ex patriæ Jurisprudentiæ principiis justum sit, inutili & acto defungi labore fortassis non videbimus, si doctrinam hanc, cuius in praxi forensi multiplex est usus, via ac ratione, quoad per tenues

licuerit vires, discussam præsenti opella exhibeamus. Innocuo autem conatu, si minus gratiam, saltim nee reprehensionem **Candidi Lectoris** inituros nos speramus.

§. I.

Paœta antenuptialis nobis nihil sunt aliud, quam conventiones ab iis quorum interest initæ, quibus, quæ ex jure coimmuni inter futuros conjuges esse deberet bonorum societas, præter illius tenorem, vel tollitur penitus, vel alia atque alia ratione determinatur (a). Nomen autem inde fortita sunt, quod ad essentiam eorum pertineat, ut *ante nuptias*, id est, matrimonio per benedictionem sacerdotalem nondum consummato, cum neutri quidquam adhuc juris in bonis alterius competit, debeant iniri (b).

(a) *Est* quod recte monuit JAVOLENUS *I. 102 ff. de div. reg. Juris, omnis definitio in Jure civili periculosa.* Parum est enim ut non subverti possit. Et dixeris fere hoc ipsum in datam etiam a nobis definitiōnem optime quadrare. Ut ergo, quæ subvertiri forte hic posset, evitetur confusio, observasse juvabit esse aliam *latiorem, strictiorem* aliam pactorum antenuptialium significationem. *Late sumptum* hoc vocabulum, omnes quascunque, quæ inter futuros conjuges nuptiarum occasione ineuntur pactiones sub se comprehendunt. Atque hoc sensu, quæ vel constitutionem *dotis motutinalis IX. 2. GB.* vel *larginationem nuptialem parentum XVI. 1. GB.* vel *donationem propter nuptias, ibid. in fine;* vel *successionem conjugis super-*

superstitis in bona prædefuncti; vel *unionem proli* inter secundos conjuges, rarissime quamvis nostratis bus usitatam, adtingunt pacta, si modo ante nuptias percusla sint, & ad has *conditionis* instar *sine qua non* se habeant, antenuptialium nomine compellari vulgo solent. *Strictiori* vero in sensu adhibitum ea tantum denotat pacta, de quibus excitatus in rubro dissertationis locus *Cap. VIII. GB.* disponit, & quæ ibidem vernacula lingua dicuntur, *Förord emellan tben som vilja Hjonalag bygga: Förord förr Åcbten-skapet, om tben giftorått bvarbera njuta skal*, quo rumque a *pactis dotalibus* proprie sic dictis & *successoriis*, quibus cum confundi haud raro solent, diversa longe est ratio, cœu infra §. III. ex instituto docebitur. Hanc autem nobis jam placuisse vocis hujus acceptioñem, adeoque, nec definitionem nostram ad alia extendi debere pactorum antenuptialium genera, per se liquet.

(b) Jure hodierno ad producendos effectus matrimonii civiles necessariam amplius non esse concessionem thalami, sive veram sive symbolicam saltim, quam ex communi gentium Germanicarum consuetudine cfr. HEINECCI *Elem. Jur. Germ. Lib. I. §. 212.* antiquiores requirebant leges *Fl. VII. GB. ÖGL.* in *pr. 2. §. GiptnB. DL. 2. Fl. II. AB. HL.* *Cap. IX. GB. LL. Cap. VIII. GB. StL.* sed solam sufficere benedictionem sacerdotalem, id quidem notissimum est, quamvis & in peccatalibus etiamnum adterritatur, utrum accesserit an minus copula carnalis *IX. 1. MB.* Quemadmodum igitur ex momento celebratae *īegλozia* legitima incipit *bonorum* inter conjuges *communio X. 1. GB.* ita & ex eodem temporis articulo jus quæsumum est eorum Creditoribus, si qui sint, ad solutionem crediti ex



bonis quæ debitor inde lucratus est, obtinendam
cfr. XI. 2. GB. Post consummatas ergo nuptias
libera a laudata communione recedendi, & alia, quam
effectum jam fortita sunt, in bonis mutuis jura si-
bimet invicem constituendi facultas conjugibus in-
dulgeri tanto minus potest, quo evidenter sit, non
posse illud fieri, quin immutetur eo ipso Credito-
rum conditio, quam tamen debitorum pactionibus
deteriorem reddi absurdum esset. Etenim in illo-
rum capita cōsum iri hanc fabam nemo sanus dubi-
taverit. Quis namque crebet, alterum conjugem de
quæsito sibi jure aliquid cœslorum in gratiam Credi-
torum alterius. Saltim in ferendis legibus tanta præ-
fumi non debet hominum virtus. Solidissimo enim
fundamento nititur, quæ MACHIAVELLI *Disp. de*
republ. Lib. I. c. 3. est doctrina, eum qui rempublicam
legibus informare & instituere recte velit; tales illas
sancire oportere, ac si homines in universum omnes na-
tura pravi sint & ad facinora quæque perpetranda, ob-
lata quacunque occasione, proclives. Vera itaque & ge-
nuina, cur jure nostro irrita plane & invalida de-
clarentur hæc de quibus nobis sermo est pacta, nisi
re utrinque adhuc integra, seu quod eodem recidit,
ante nuptias fuerint inita, in eo sita est ratio, quod
alias illis, & jus creditoribus adquisitum læderetur,
& ad hos fraudibus circumveniendos lata conjugibus
panderetur via.

Cæterum a re nostra haud alienum erit memi-
nisse, in Jure veteri & Christophoriano disertam nul-
libi occurrere pactorum hujus modi antenuptialium
mentionem. De *pactis successoris* intelligenda vide-
tur *K. Resol. och Förkl. d. 29 Nov. 1669.* Horum
autem, quæ nostræ sunt considerationis, primum for-
taffis est vestigium, quod habetur in *K. Br. om. Just.*
Statens

Statens astlön. d. 24 Mart. 1718. cfr. K. Sv. HofR. Univ. d. 5 Maij e. a. Quin tamen multo prius ex generali Juris Regula, qua *provisio hominis, provisionem legis vincere dicitur, Dom. Regl. 16. 4.* nonnullus fuerit eorum usus, de ea re dubitare nos non sinunt, quæ ab illa ætate existant & sententiarum exempla & Jure consultorum scripta. v. LOCCENI Syn. **f.** priv. Diff III. Qu. XIX. p. 81. & ABRAHAMSSON ad C. V. G. B. L. L.

§. II.

Personæ igitur, quæ hæc pæcta ineunt, *futuri* sunt *conjuges*. Atque horum quidem si *sui juris* sint, ad efficacem in foro obligationem producendam, solus, cæteris paribus, sufficit consensus (*a*). Sin *aliena*, contineantur *tutela* (*b*), tum nisi nullitatis vitio laborabit pæctio, a parte sponsæ, *auctoris nuptiarum* (*c*); a parte vero Sponsi *Tutoris* necesse est accedit auctoritas (*d*); quam, si vel conditiones pæcti, respectu ejus qui *sui juris* non est, plane beneficæ esse videantur, minime negligendam esse censemus (*e*). Quia vero quod in utilitatem nuptias contrahentium introductum est, in damnum eorum detorqueri non debet: haud difficulter intelligitur, posse ab his, si propositas conditiones Sponsor aut Tutor injuste recusaverint, judicis implorari auxilium, ut is vi delegatæ sibi *supremæ tutela*, si auditis utrinque rationibus pæctionem æquam esse intellexerit, deficientem eorum consensum, interposita sua auctoritate suppleat (*f*).

(*a*) *Sui*

(a) *Sui juris esse dicuntur, quibus leges liberum consenserunt actionum suarum arbitrium.* Tales vero sunt *juvenes vicesimum primum ætatis annum egressi, XIX. 1. AB. & viduæ §. 3. ibd.*, quippe quos Jura eam, quoad contrarium plenissima probatione demonstratum fuerit, adfecitos præsumunt & judicij maturitatem & rerum experientiam, ut rebus suis superesle, & quæ sibi profutura sint quæve minus ipsi secum statuere valeant. Sub voce autem *viduæ*, Svet. *Enka VIII. 1. GB.* non, quod communis vult loquendi usus, feminas tantum intelligimus, defunctis suis maritis superstites, sed & quacunque justa de causa a maritis suis, sive veris sive putativis, separatas. Etenim vox *Enka*, ut ex veteris linguae genio *separatum* notat & *solitarium*; unde & *Enka aker XIII. 9. KB. WGL.* de agro separato; *Enkæ Skipt, VIII. BBL. WGL.* de separata intra limites pagi cujusdam vel prædii terræ portione, hodie *utjord, urfjeld*; *Enka man* de singulis in oppositione ad universos *IX. 3. ThingmB. UpL. II. 1. KirkB. HL.* dicitur; ita latiorena hanc in Jure nostro adhuc dum tuetur significationem, cfr. *XIX. 3. AB. & XXII. 4. MB.* Fuisse vero olim apud Romanos ad ultima usque liberæ reipublicæ tempora *perpetuam* feminarum *tutelam*, non *pupillarem* quidem illam, quam puberes factæ exsolvebantur, sed *muliebrem*: & obtinuisse idem fere apud priscas etiam Germanicæ originis gentes plerasque, notius est, quam ut demonstrari jam debeat. Testimonia ejus rei adfatis dabunt EVER. OTTO de *perpet. fem. tutela* & HEINECCIUS *I. cit. Tit. XV.* Nec meliorem multo in vicina Dania fuisse viduarum conditionem, docet *Lex Jut. Lib. I. c. 14. 33. & Seland. Waldem. I. Lib. I. c. 13.* quippe ex quibus colligitur eas & qua nubendi

bendi licentiam, & qua bonorum suorum administrationem, aut in filii, si majorenis is esset, aut in proximi adgnati vel cognati, aut his deficientibus, in ejus quem ipsæ elegissent, quod & hodie num valet, vid. *Jur. Dan. Lib. III. c. 17. §. §. 41. 42.* tantum non potestatem recidisse. cfr. *Jus Slesvic. ant. §. 6 CYPRÆUS ad Jus Slesvic. rec. cap. IX. & ANCHER Hist. Jur. Dan. P. I. p. 400.* At nostris, ut hodie, ita jam olim placuisse *viduas* sui ~~je-~~ris evadere, satis commonstrant legum antiquarum tabulae, quæ illas non modo ad tutelam propriæ fobolis, quod & in memoratis nuper gentibus fieri nonnunquam sivevit, gerendam vocant *VII. 6. ÅB. UpL. XVIII. GB. ÖGL. XIX. ÅB. ÖGL.*; & caput standi iis adtribuunt *XI. 2. ThingmB. UpL. XXIX. TbhB. WestmL.*; sed &, quod in primis ad rem nostram facit, liberam ipsis, quod frusta omnino negavit *STIERNHÖÖK de Jure Sv. & G. vet. Lib. II. c. I. p. 153.* impertinent nubendi potestatem. Vid. *II. ÅB. UpL. in pr. ubi expresse Enkja agber själf gifto finni radba, & VII. ÅB. WestmL. Enkja radbe själf gifto sinne.* Quibus qua rem ipsam *Jura* quoque contentiunt *Gothica*, ut ex *VI. GB. WGL. in pr. & XIX. GB. ÖGL. in pr.* potest colligi; suffragante etiam *Jure Sudermannico I. GB. in fin.* ita tamen ut patrem & propinquos, honestatis causa in consilium adhibendos velit. Quamvis autem quoad filios familias subsistat, & qua viduas postliminio velut ad paternos lares reversas reviviscat quodammodo patria potestas, siquidem hi, qua domesticam disciplinam, parum omnino a pupillis differre videantur *VI. 2. GB.* cfr. *K. Förord. d. 7. Junii 1749. §. §. 4. 5.*; quin tamen valida censenda sint pacta antenuptialia inconsultis licet parentibus ab his inita, idonea

nulla, nostro quidem qualicunque judicio, adeo dubitandi ratio. Quo enim jure haec declaranda essent irrita, cum sponsalia ipsa subsistere leges non vetent, permissa quamvis parentibus neglectæ patriæ potestatis poena.

(b) Postularat ipsa humanitas, & multo ideo magis civitatis ratio, ut aliorum regantur ac constituantur prudentia, qui propter ætatis inscientiam, sexus infirmitatem ac intellectus vitium se ipsos regere nequeunt. Horum autem in numerum leges referunt juvenes *XXI.* annis minores *XIX.* I. AB.; *Feminas innuptas*, sive virgines sint §. 2. ibd. sive pudicitiae jacturam fecerint *K. Br. till G. HofR.* d. 10 Decemb. 1687. & mente captos §. 4. ibd. Et quia his in Jure æquiparantur prodigi, & quotquot, sunt quos furiosum, si ipsis liceret, rerum suarum exitum facturos constat: etiam illos, ex prævia judicis sententia, quoad frugaliores evaserint, tutelæ subjiciendos præcipit §. 4. ibd. & *K. Förordn.* d. 7 Jun. 1749 §. 8. cfr. *K. Kung.* d. 11 Maii 1774. Interest enim rei publicæ, ne quis re sua male utatur.

(c) *Auctor I. Sponsor nuptiarum* nobis *Giftoman I. 1. GB.* persona dicitur, cui collocandæ in matrimonium innuptæ feminæ potestas competit. Derivatur autem haec potestas vel ab ipsa natura; vel ab ultima parentum voluntate; vel a legis civilis dispositione; vel ex judicis sententia. Atque hinc spontiores in *naturales I. 2. GB. Testamentarios*, ibd. in fine, *legitimos*, §. 3. ibd. & *dativos* §. 4. ibd. recte dispescuntur. Cujuscunque vero ordinis Sponsor virginis contingit, perinde necessarium est, si valebunt haec pacta, ut is eorum fiat auctor *VIII. 1. GB.* Et licet haud raro accidat, ut virginibus satis jam adultis, aut proiectioris ætatis, a tutela liberatis, rerum suarum

) ii (

rum administrationem permittat Princeps: quia tamen periculum remanet, ne, quantumvis alias cautæ ac frugales, nubendi impatientia, quam cum annis, quoad languida fere instet senectus, non tam remitti, quam intendi potius in hoc sexu experientia demonstrat, temere & inconsulta facilitate se implicent; hunc semper istius sui beneficii modum constituere solet Regia Majestas, ut qua contractus nuptiales ad immunitatem a potestate Sponsoris extendi illud non debeat.

(d) Quemadmodum utile visum est Juris nostri hodierni conditoribus, seram, ut jam olim, esse juvenum venerem, quo sic inexhausta foret eorum pubertas; sic & masculis indistinctim omnibus, prohibenda ante expletum vicesimum primum etatis annum matrimonia judicarunt *I. 6. GB.* Lata autem hac lege, cum ne cogitari quidem deberet minorennes pacta nuptialia inituros; non frustraneam modo sed & absurdam futuram fuisse, de casu impossibili juris dispositionem, unusquisque intelligit. Atque inde est, quod in toto legum codice nulla usquam fiat mentio, de potestate Tutorum circa minorennum connubia. Indulta vero jam pridem iis, qui de rustica plebe sunt, post exactum decimum octavum etatis annum nuptiarum contrahendarum licentia, *K. Förordn. d. 8. Dec. 1756.* occurtere fortassis poterit in foro quæstio, quid de pactis antenuptialibus, non interposita Tutoris auctoritate ab his initis sit censendum. Et quamvis expediti juris sit sponsalia ab his, si parentibus orbati sint, Tutoribus etiam in consilium non vocatis, valide, an item honeste, de eo jam non quæritur, contrahi: videri etiam posset, ubi subsistit, sine Tute, matrimonium, ibi & pactas ejus conditiones sine tutoris

interventu, subsistere debere: Et denique ei qui jus habet ad finem non negandum esse jus ad media ad eum finem ducentia; in his autem esse pacta antenuptialia, quippe quorum ope conciliantur saepe, quæ alias locum vix habiturae fuissent nuptiæ: Attamen quia minorenibus omnis ademta est bona sua, si peculium exceperis, obligandi & conditionem suam deteriorem reddendi facultas XIX. 1. AB. Parta quoque hæc exceptionem semper a regula communis continere supponuntur; leges autem exceptiobibus nunquam favent, sed omnes potius in iis iuris follennitates strictissime observandas desiderant; existimaverim eadem, absque Tutoris auctoritate inita, si patrimonium pupilli quoquo modo adficiant, eatenus saltim, pro nullis omnino esse habenda. Nec sane video justam ullam de iniquitate lententiæ conquerendi causam habituros sponsam, vel qui ejus partes egit Sponsorem nuptiarum. Habent enim quod sibi ipsis imputent, quod cum inhabili ad contrahendum persona pactum celebrarint.

(e) Est communis Jure Consultorum doctrina, Minorem licet, non interveniente Tutore, ipse se obligare suumque statum deteriorem reddere valide nequeat; poste tamen alios sibi reddere obligatos, suamque conditionem quoconque titulo lucrative meliorem efficere. Hinc Romanis necessaria visa non est Tutoris auctoritas, si quid sibi dari stipularetur pupillus, pr. Inst. de Aucto. Tut. & l. 9. ff Tit. cod. Minoribus enim ætatem in damnis subvenire, non in rebus prospere gestis obesse debere purabant. l. 14. C. de Procurat. Unde & BRUNNEMANNUS Exerc. 4. ad §. 1. Inst. Tit. hanc tradit regulam: quotiescumque follennitas aetus in favorem alicujus est introducta; toties omissione follennitatis vitiat actum, iij

illi personæ sit nocivus, non si commodus. At licet hæc sub hypothesi quam supponunt recte omnino se habeant; ad adserendam tamen pactorum antenuptialium sine Sponsoris nuptiarum vel Tutoris consensu initorum validitatem tanto minus sufficere nobis videntur, quanto luculentius patere arbitramur in illis vix unquam subsistere adsumtam hypothesin. Efficient etenim partim *falsitatis ac damni periculum*, cuius & ea in Jure Romano habebatur ratio, ut ne lucrosam quidem hereditatem, quia damnosa aliquando esse posset, adire pupillo, nisi ex Tutoris auctoritate liceret §. 1. *Inst. T. cit.*; partim *metus disjunctionis animorum*, quæ promissiones in solam alterius gratiam præcipitanter factas, subsequi plerumque solet; partim denique *necessaria communionis debitorum matrimonialium*, ex ratione communionis bonorum aestimatio, de qua infra pluribus dicetur; efficient inquam hæc omnia, ut quantumvis benefica primo obtutu videantur hæc pacta, penitus tamen considerata, vix alio quam *bilateralium* jure censi possint. Rarissime, quod opinor, continget, ut numata bene mulier, beneficas qua sua bona, minorenni Sponsive ipsa, sive per suum Sponsorem stipuletur conditiones. Facilius maritum inveniunt, quibus luculentum obtigit patrimonium, quam ut necesse habeant, oblato quasi pretio eum sibi coemere. Vix enim ullum est sive animi, sive corporis vitium, dummodo feminam ad matrimonium proorsus inhabilem non reddat, quod pecunia abunde fatis perfari non posse credit procantium vulgus. Nec nostro demum saeculo hunc invaluisse dixeris gustum, in quo ridendo, quotquot Satyram scriperunt, omni fere ævo sua exercuerunt ingenia. At frequenter contra accidit, ut sub promissione lucrosæ conditio-

ditionis, locupletum in primis virginum nuptias clam sollicitent, qui eas ab auctore nuptiarum impetrare se posse desperant. Atque hi fere sunt, qui aureos tantum non montes futuræ pollicentes conjugi, pacta condunt, quæ, quam diximus, unilateraliū speciem mentiuntur. Quo autem facilior est hujusmodi pactorum abusus, ad credulas, incautas & inexpertas forensium negotiorum feminas decipiendas, easque ad infelix sæpe matrimonium pelliendias; eo etiam minus, rationi juris, qua non tam de lucro captando, quam damno avertendo cœetur, convenit, aliquam iis, nisi Sponsore virginis consentiente initis, vim tribuisse atque efficaciam. Et certe pessimi res esset exempli, atque periculose in foro mollitiei plenissima, deceptæ clandestino pacto uni aut alteri feminæ ita succurrere, ut monstrata semel consensum sponsoris eludendi via, decem alias fraudibus illaqueandas exponas. His ergo inducti rationibus, in caussis validitatem pactorum antenuptialium concernentibus, litteræ legis, qua sponsorem virginis auctorem eorum fieri debere statuitur, stricte inherendum; eademque proinde, quotiescumque illo non contentiente inita deprehenduntur, non admisso, quod cerebrinæ æquitatis esset, discrimine, utrum bilateralia sint, an in gratiam uxoris unilateralium speciem præ se ferant, nulla & irrita pronuncianda esse arbitramur. Et licet sponsalia clandestina, per se invalida, ex subsequenti sponsoris nuptiarum ratihabitione convalescant *III.* *1. 2. GB.* idem tamen quoad hæc pacta cur admitti nequeat ex adlatis partim, partim ex longe diversissima sponsaliorum & horum pactorum natura haud difficulter poterit judicari.

(f) Quam fieri facile possit, ut vel sponsor virginis vel

vel Tutor pupilli, sive propositis inquis, sive non acceptatis æquis conditionibus, impedimentum objiciant nuptiis, quæ honeste petuntur, nemo est qui non videt. Quia vero vi eorum quæ VI. 4. GB. & XXIII. 1. AB. sancta leguntur, Judici & supremum competit collocandæ virginis arbitrium, & suprema pariter in acta Tutorum inspectio; nullo inde negotio conficitur Ejus etiam esse, in qualitatem horum pactorum, pro re nata inquirere, & cognoscere, an ex iis ulla justa deduci possit matrimonii impediendi caussa. Ad eum autem Judicem, cuius supremæ tutelæ sponsa subest, hanc pertinere cognitionem, eamque summario processu esse tractandam, ex ipsa negotii natura facile est ad intelligendum.

§. III.

*Materiam autem pactis hisce subjectam constituant, non quæ personas futurorum conjugum immediate respiciunt matrimonii jura (a); sed ea tantummodo, quæ mutua eorum bona, & quidem utriusque in iis *condominium* adficunt (b). Quia vero intelligi non possunt bona, nisi deducto prius ære alieno: consequens est, nec in alia, quam quæ deinde supersunt ullum esse horum pactorum effectum; adeoque non valere illa ad tollendum vel infirmandum quacunque ratione jus, quod sive *in bonis*, sive *ad bona pacificentium* alteri cuidam antea fuit quæsitus (c).*

(a) Quoad hæc nihil omnino contrahentium arbitrio Jura reliquerunt. Sic frustæ pactis antenuptialibus ejusmodi infererentur clausulæ, quibus aut finis proximus

ximus matrimonii everteretur; aut mutua tolleretur conjugum æqualitas: aut uxor tutelæ maritali in totum eximeretur. *Istud* namque oppido absurdum & impium: *illud* Juri nostro, quod uxores absque ullo discrimine ad communionem status ac dignitatis mariti vocat *IX. 1. GB.* & quæ in aliis gentibus, inter illustiores saltim, ad legem morganaticam contrahi solent matrimonia penitus ignorat, manifeste adversum: *hoc* denique, etiam si & id Hollandorum moribus probetur, ceu ex HUBERO ad *Tit. de part. dot. 3.* observat EVER. OTTO I. c. p. 48. turpe eset & indecorum ac publicæ rei, supra fortassis quam dici potest, exitiosum. Legi omnino merentur, quæ in illam fere ~~jam~~ graviter differit CATO apud LIVIUM Lib. XXXIV. capp. 2. 3. Quin tamen quod marito regulariter competit jus ad administranda bona uxoris restringi his pactis quadantenus possit, de eo tanto minus est dubitandum, quanto magis ipsa eorundem natura ejusmodi restrictionem efflagitare videatur.

(b) Multifariam variant, quæ in bonis nostris aliis constituere possumus iura; at non alia, quam quæ effectum matrimonii qua *condominium honorum* quoquo modo concernunt, materiam pactis antenuptialibus substernendam dicimus. Neque enim aliud ullum lex horum agnoscit objectum quam *then giftorått hvarthera njuta skal VIII. 1. GB.* Ex hoc autem momento omne pendet, quod *haec & pæta dotalia* ac *successoria conjugum*, quorum supra §. 1. oibiter mentionem fecimus, intercedit discriminem, quod & propter ea paullo adcuratius nobis erit explicandum. *Pæta* igitur *dotalia* quod adtinet, quibus dos uxori constituitur, eum in casum si matrimonium absque ejus culpa dissolvatur, evidens est, eadem mari-

mariti tantum bona adficere; nullam iis qua talibus dominii particulam uxori, quoad duraverit matrimonium, in dote promissa adquiri; quin & hanc in immobilibus constitutam, ultra *usum fructum* extendi nunquam posse: & cessare denique, si ex bonis mariti, expunctis nominibus nihil fiat reliquum, & tanto adhuc magis si expungendis nominibus non sufficerint, omnem dotis extolitionem. Nam *Tba ar ondt tber penninga tagba, som inga áro til,* ut loquitur Jus Christophorianum *XXII. AB. LL.* Vid. *IX. 3. 4. GB. XII. 3. X. 1. AB.* Eadem quoque est *pactorum successorum ratio.* Etenim nec illa, vivo utroque pacientium, alteri dominium quoddam in alterius *legitimam* tribuunt: neque nisi solutis omnibus prædefuncti debitis, ullum sortiuntur effectum *X. 1. AB.* Cum vero sic Creditores mariti, in bonis dotalibus uxori; iidem autem defuncti conjugis, in successione, superstiti semper præferantur; manifestum est neque fieri posse, ut horum juri his partis aliquid derogetur. Quamobrem nec publicæ fidei valde interest, quam in formam illa concipiatur. Heredibus solis illa plus minus damnoſa esse possunt. Nec aliam ob cauſam, quam ut his præspiciatur, & donis matutinalibus certa quantitas præfinita *IX. 4-7. GB.* & testandi licentia aliquatenus est restricta *XVII. 1. 4. 5. 7. AB.* cfr. *K. Førordn. d. 19 Aug. 1752.* At hæc omnia securi in pactis antenuptialibus, quæ nostræ sunt dispectionis. Hæc quippe, quemadmodum eam definiunt bonorum partem, quæ ad utrumque conjugum *domini jure* pertinebit: ita & eandem a petitionibus futurorum Creditorum alterius conjugis liberant, dominoque jus tribuunt, ad *separationem* horum bonorum ab iis quæ debitoris sunt, provocandi, quod nemo



de eo quod suum est, nisi ipse suo factō ad id se obligaverit, aliena luere teneatur debita. XI. 4. GB.

(c) Cavet sollicite Legislator tum demum valida censenda esse hæc pacta, når tbet ej sker tbem til fôrfâng, som bættre rått til egendomen på then tid bafva, VIII. 1. GB. Omnis namque contractus in fraudem tertii initus, jure est nullus. Nec refert, utrum reale sit jus, pignus e. g. aut hypotheca in bonis debitoris, an personale tantum ex chirographo e. c. quod aliis est quæsitum. In omni enim casu, eorum, qui de suo recuperando & damno vitando certant conditio potior est, quam inhiantis lucro alterius conjugis. In communione ergo pa&titia, non minus quam in legitima, valet regula: Hafver man eller bustru giordt gâld fôrr âchtenskapet, gâlde bvar sin af tbet han eller bon fôrut âgde XI. 2. GB Ut proinde, quoctunque deinum modo inter futuros conjuges convenerit, alia tamen, quam quæ creditoribus futperfutura sunt bona, in obligationem deducta intellegi non debeant. Creditorum autem appellatione non bi tantum accipiuntur, qui pecuniam crediderunt, sed omnes quibus ex qualibet causa debetur. l. II ff. de verb. signif. cfr. VICAT vocab. Fur. voce Creditor.

§. IV.

Non tamen de omnibus indistinctim, quæ ad patrimonium suum pertinent, bonis, pacisci futuris conjugibus licet. Ad mobilia scilicet qua talia (a), & immobilia, quæ in pleno sunt contrahentium dominio (b), quorunque quoctunque demum titulo alienandorum libera jure ipsis competit potestas (c), hæc restricta

stricta est facultas. At *immobilia*, quorum alteruter *utile* tantummodo, quod vocant, habet *dominium* (*d*); & quorum vel *omnis* plane (*e*), vel ea saltim quæ *título benefico* fit *alienatio* dominis est prohibita (*f*); ut & *mobilia*, quæ sive ex *dispositione* prioris domini, sive ex *fictione* juris horum naturam imitantur (*g*): illa inquam omnia, qua ipsam rei substantiam pactis hisce non subsunt, ut proinde in illis jus alterius conjugis ultra *fructus* *confortium* porrigi nequeat (*h*).

(*a*) Dicimus *mobilia qua talia*, quia, ut mox ostendetur, fieri haud raro solet ut hæc *immobilium* natu-ram induant, eorumque deinde jura sequantur. Quem-admodum vero, quæ qua res immobiles varie re-stricta sunt privatorum dominia, qua mobiles nul-los fere limites agnoscunt; ita nec quidquam est quod impedit, quo minus pacientes, qualia ipsis libuerit, in illis sive præsentibus sive futuris, sibi met invicem constituant *condominii* jura. In mobilium autem numero computari non modo redi-tus & fructus immobilium, quatenus eorum, dum separatio fit dies cessit, sed & *estimationem* prædio-rum rusticorum gentilitio jure adquisitorum, *Börd-köpt jords värde*, quippe cujus, tanquam ex mobili-bus decerpitæ, & donandæ & legandæ æqua domi-nis concessa est potestas, docent *X. 2. XI. 2. GB.* *XVII. 3. ÅB. VIII. 1. JB. in fine*. Quod & idem obtinere qua aliena prædia, quæ quis ex contractu pignoratitio, sub pacto antichreseos possidet, ut nim-illa non nisi mobilium loco haberí queant, eviden-tius est quam ut vel moneri debeat. cfr. ARNELL ad cap. *V. GB. StL. p. 278.*

(b) Tria sunt quæ dominii notionem ingrediuntur jura partialia, jus nim. proprietatis, jus utendi & jus fruendi. Quoties ergo omnia hæc jura, qua rem aliquam immobilem, in una persona conjuncta adsunt ut singulis iis in solidum uti possit, toties dominium ejus vocatur plenum. cfr. RABENII prim. *In. Jurispr. Svec.* c. IX. Hujusmodi autem dominium privatissimum competit nisi qua *predia urbana*, *Hus*, *gård* oec *tomt i Staden*, & ex provincialibus, qua *prædia immunita*, *Frälssegods*, & *censitica*, *Skattegods*. De his & jam olim motam fuisse & adhuc dum moveri litem notissimum est. Fuere enim, qui partim diversissimas dominii in *absolutum* & *restrictum*, & *plenum* & *mixtum plenum* distinctiones misere inter se confundentes; partim fisci juribus, haud fere secus ac MARTINUM Cremonensem fecisse olim narrat GRAVINA *Orig. Jur. civ. c. 145. p. 108.* ad stipulantibus, ut docet in *notis ad I. cit. MASCOVIUS, BARTOLO & BALDO*, ultra quam par est velificaturi, omnem immobilium proprietatem plebi ademtan quasi & in Principem collatam voluerunt. Hos vero in errore versari & fundos censitos proprietatis jure, quamvis valde jam restricto, a civibus possideri, hisque adeo plenum in iis esse dominium, inconcussis argumentorum ponderibus evictum dederunt alii, e quibus satis sit nominasse EHRENSTEN *Bsp. emot Ad. ritt till Sk. gods*, & E. BENZELIUM in *Diss. de jure Censit. Praefid. D. NEHRMANNO edita Lond. G. 1732.* cfr. *Diss. de nat. & ind. privileg. real. in patria, sub praefidio Consultiss. J. SOLANIDRI habitam Ups. 1777. §. 6.*

(c) Non autem sufficit, ut immobilia sint pacientium propria. Requiritur adhuc ut liberam habeant eorum alienandorum potestatem. Utrumque necesse est

est concurret, non enim disjungenda sunt hæc mo-
menta, si valebit, quod de iis conditur pactum an-
tenuptiale. Est nimurum probe observandam pactam
communnonis bonorum matrimonialis, ultra termi-
nos jure eidem præscriptos prorogationem, donatio-
nis vice in jure nostro haberi. Unde & generalis
instar principii nobis erit, *ubicunque locum habuerit,*
quæ titulus benefico sit alienatio, ibi etiam subsistere hæc
pacta, & contra. Jam cum ex jure provinciali non
alia in alterum lucrativo titulo transferre liceat bo-
na immobilia, quam quæ suo domino pure sunt *ad-*
quisita; hæc quippe, quia in mobilium locum imme-
diata succederunt, & donari *VIII. 1. JB.* & Testa-
mento legari poslunt *XVII. 3. AB.* & *§. 5. in fin.*
ibid. sequitur inde, & pactis hisce pro lubitu de il-
lis disponi posse, quamvis & ante nuptias adquisita
fuerint, quo in casu alias, ex jure communi, inter
non communicabilia referuntur *X. 1. 4. GB.* Quous-
que vero de fundis municipalibus pacisci liceat, ex
tradita modo regula & *VIII. 3. JB.* qua ad sextan-
tem valoris restringitur donandi de illis licentia, ar-
gumentum tuto duci potest. Quamquam enim te-
tandi libertatem, ultra quam *XVII. 5. AB.* definitum
erat, latius pretenderit *K. M. Förordn. och Förkl.*
d. 19 Aug. 1762. cui & ex genio illius sæculi, quo in
privati alicujus commodum jura haud raro conde-
bantur, retrolatam ad casus etiam anteriores au-
toritatem dedit *K. M. ytterl. Förkl. d. 17. Nov. 1766.*
nihil tamen ad intringendam istius regulæ universali-
tatem inde efficitur. Nam præterquam quod alia
sit testamenti factionis, alia donationum ratio, &
magna etiamnum inter testamenta ex jure municipali
& provinciali obtineat differentia: diserte quoque
in laudata Constitutione Regia d. 19 Aug. 1762. ca-
vetur,

vetur, sanctionem, quæ eadem continetur, ultra causas testamentarias, ad communionem bonorum nuptialem & successiones ab intestato non esse extendendam. Quod autem ordini Nobilium æque libera competit de prædiis suis municipalibus adquisitis ac de provincialibus ejusdem generis disponendi facultas, id ex priva est lege *Adel. Priv. d. 16. Octob. 1723* §. 12. quod qua alios non privilegiatos in consequentiam trahi non debet.

(d) Quando jura dominii inter duas personas eum in modum inæqualiter sunt divisa, ut penes alterum maneat *proprietas rei* cum jure de substantia ejusdem disponendi, alteri autem sub conditione certarum præstationum jus conceatum sit perpetua & quodammodo vel ad posteros suos transmittenda vel in aliud transferenda possessionis & usus fructus; tum *ille dominus directus*, barbara ne an Latina voce jam non querimus, hic vero *utilis* adpellari sivevit. Ut vero dubitari nequit, quin pro arbitrio hominum variæ admodum effungi possint *dominii utilis* species; ita frustra omnino sunt, qui tres in primis, quod & nostratum nonnullis, nescio ex qua exotici juris admiratione placuisse videmus, cfr. PISCATOR de *nat. præd. in Sveog Ups. 1741*. §. §. 10. 11. 13. eas statuunt *Feudum puta, Emphyteusin & Superficiem*. Saltim hæc doctrina hodierno nostro juri usque quaque non convenit. Certum quidem est, antiquiores leges, in ædibus alieno solo sive rustico sive municipaliter inædificatis, utile tantum *superficiario* tribuisse dominium; easque, quod ad *bunc* nonnisi earum estimatio, ædes vero ipsæ ad *dominum superficie* pertinere viderentur, mobilium loco fuisse habitas. Vid. EHRENSTRÅLE *Jurispr. civ. Afd. II. c. I. §. 40.* ARNELL ad c. V. GB. StL. Hoc vero jure recentiori

tiori penitus esse mutatum docent *X.* 2. 3. *GB.* & *VII.* 6. *JB.* e quibus colligitur ædificia, molendas & alia opera aquatica, in alieno solo exstructa, tanquam *pleno dominio* ad superficiarium pertinentia, & eodem plane, quod circa cætera immobilia obtinet jure, censeri jam debere. Et licet usu adhuc veniat in municipiis, ut pro *areis* non liberis, *ofria Tomter*, *ofri grund*, annum quoddam solarium, *Tomtöre*, Fisco urbis pendere cogantur superficiarii, *K. Resol.* d. 16 *Mart.* 1693. *K. Br. til Magistr.* i *Stockb.* d. 28. *Sept.* 1699. *Adel. Priv.* 1723. §. 12. *Präf. Priv.* d. 16 *Okt.* 1723. §. 10. Alicubi quoque Fiscus urbicus, si vendantur ædificia hujusmodi areæ imposita, ad pretium, qua tricesimum numum, participandum admittatur, *Stockb. Stads priv.* d. 23 *Mart.* 1636. §. 7 *in fin.* Hæc tamen ad negandam superficiario dominii in ejusmodi bonis plenitudinem non valent, quippe quam illimitata fere, quæ ei competit eorum alienandorum potestas, qualis cum dominii utilis notione consistere nequit, optime demonstrat. Nec quidquam in contrarium inferri potest ex *jure protimiseos*, quod domino superficiei *IV.* 6. *JB.* est constitutum. Nam nec illud eum in finem introductum est, ut ullo modo restringatur, quam superficiario competere diximus, alienandi facultas; sed ut proprietatis soli cum usu fructu ejusdem *consolidatio*, cui, quoties sanguinis in Emtore privilegium non obstat, jura nostra tantopere favent, singulis in casibus eo facilius fieri queat. Quemadmodum vero ex his satis jam liquet, *superficiem, pleno*, ex jure nostro, *dominio possideri*, & futrorum ideo conjugum de immobilibus alieno solo inædificatis paciscendi libertatem ex iis, quæ de fundorum donationibus cæterum constituta sunt, esse æltimandam;

dam; ita quod Feudum deinde adtinet, si illud ultra usum fructum patere & cum utili dominio coniunctum, statuatur, vix dici potest quam & id a hodiernæ Jurisprudentiæ principiis sit alienum. Cessavit scilicet vergente ad finem superiori saeculo omnis in patria Feudorum, qualis apud alias plerasque gentes esse solet, consuetudo, BOTIN om Sv. Hemm. Del. II. c. IV. §. 4. Et quæ jam a Principe in singularis gratiæ ac favoris testam privatis vel ad certum tempus vel ad dies vitæ habitanda non nunquam conceduntur prædia coronæ, Bebagelig tids, lifstids förlåningar; cfr. Riksd. B. d. 3 Januar. 1683. §. 5. K. Ref. på Kr. Bef. af de ind. Reg. Befv. d. 27 Jannit 1720. §. 26. ut & quæ a privatis in privatos remuneratoria liberalitate conferri solent immobilia avita VIII. 1. §B. ea tantum abest ut veram Feudi proprie sic dicti induant naturam, ut potius usufructuario tantum jure, absque ulla vel minima quidem dominii particula, in possessores collata censeantur. Usus fructus autem cum servitutis personalis species sit, cum dominio utili adeoque & feudo, quale a plerisque illud definitur, male admodum confunditur. Restat ergo ex supra adductis sola Empytheusis, quam ceu genuinam dominii utilis speciem sub nomine Sämje- Stadge- Stubb- & Rögsel-rätt Ius etiam nostrum adgnoscit, prout accurate exposuerunt RÅLAMB Observ. Praet. Lib. III. Obs. 3. pp. 180. 181. KÖNIG Lård. Öfn. T. II. Del. II. c. 4. & Consult. SOLANDER diss. supr. cit. §. 5. Cui tamen aliam tuto addere possumus, quam Besittnings-rätt, quasi dicas jus perpetuae & inviolabilis possessionis, acta nostra publica adpellitant, cujusque ea est natura, ut successione derivetur in heredes & consentiente Domino directo in alios transferri, imo

mo extra familiam translata a sanguine proximis re-lui nonnunquam queat; quapropter & non modo tanquam media quædam species inter dominium plenum, ågande rått, & possessionem simplicem, nyttjande rått, X. 14 RB. collocatur, sed & τω Blott åborått diserte opponitur. K. Resol. på Kr. B. af de ind. Reg. Besv. 1720. §. 26. K. Resol. på Allmog. Besv. d. 1 Sept. 1741. §. 30. K. Cammar-Coll. Br. til Landsb. d. 30 Aug. 1780. Exstantissima hujusmodi dominii utilis exempla sunt quæ occurunt (α) In prædiis coronæ equestribus, Krono Rüsthåll, de quibus K. Förordn. d. 9 Jun. 1726. & d. 22 Febr. 1749. (β) In prædiis Coronæ metallicis, Krono Bergsmans Hemman ceu evincunt K. Förordn. om Skatte k. d. 19. Sept. 1723. §. 4. K. F. om foro i Bergsm. H. ågotvisser d. 28 Nov. 1734. & K. F. om Fatal. för dem som vilja föra klander ang. Besittn. rått til Krono Bergsm. Hemman d. 4 Jul. 1739. plura enim cumulare statuta nil adtinet. γ) In prædiis coronæ, quorum data arrha possessionem coloni sibi suisque liberis compararunt Städje Hemman, K. Camm. Coll. Br. d. 29 Apr. 1779. & d. 30 Aug. 1780. & (δ) denique in jure illo possessionis, quod in præmium inventionis venarum metallicarum Colonis prædiorum coronæ conceditur K. F. d. 27 Aug. 1723. Quamvis enim inter singula hæc prædiorum genera, quæ præeunte K. F. om Skattek. 1723. §. 7. communi nomine Besittningsrätts Hemman dixeris, ad se invicem relata, pariter ac inter hæc & Emphyteutica, haud leve, neque id quidem unico respectu, obtineat discrimen; ea tamen in re & unum & alterum eorum conveniunt, quod qua proprietatem foli, til jord och grund, vel in Coronæ, vel, in Universitatis cujusdam, vel, quod in Emphyteuticis aliquando accidit, in Nobilis

alicujus sint dominio, relicto, prout allegatae supra constitutiones & K. Ref. på Ad. Besv. d. 27. Aug. 1668 §. 53. una cum K. R. på Allmog. Besv. 1723. §. 77. luculenter satis commonstrant, possessoribus utili tantum dominio, quod in se & sua natura omnem de ipsa rei substantia, in gratiam futuræ conjugis, disponendi facultatem in possidente excludit. Quo autem hoc magis est exploratum, tanto facilis intelligitur, nullum omnino futuris conjugibus competere jus paciscendi de communicandis inter se immobilibus, quæ vel usu fructuario jure vel ex contractu locationis conductionis alteruter eorum colenda accepit, quippe quæ in solidum alieni esse juris per se patet.

(e) Immobilium, quæ in pleno sunt privatorum domino, vix ac ne vix quidem alia cogitari possunt, quorum absolute prohibita sit alienatio, quam quibus vel constitutio Principis vel testamentaria prioris domini dispositio *Fidei Commissi* naturam induxit. Horum namque regulariter ea est ratio, ut certæ cujusdam familie splendori ac robori conservando velut consecrata, a *Fiduciario herede* ad substitutum sibi a *Fidei Committente* successorem larta etiaque debeat transmitti. Quapropter nec nisi consentientibus singulis, quorum interest familie membris, & accedente speciali Regiae Majestatis indulitu, quo simul de avertenda, in omnem casum, eorumdem distractione caveri efficaciter solet, hypothecaria obligatione onerari poslunt. Quod si ergo alienari nequeunt hæc bona, manifestum est, quod nec idoneam pactis antenuptialibus, si modo his de supervacuis agi non placuerit, præbere possint materiam.

(f) Hujus indolis sunt bona hereditaria. Est videlicet cele-

celebris bonorum immobilium in *bereditaria s. avita*, *Arfvejord*, & *adquisita*, *Aflingejord*, distinctio, quæ Juri quidem municipali tantum non incognita, in provinciali utramque facit paginam, & innumerorum fere jurium fundamentum est & norma. *Hereditaria* autem habentur non modo (α) quæ ab intestato, sive simplici, sive continuata per plures gradus successione ad aliquem sunt delata *II. 1. JB.* cfr. *III. 12. AB. VI. 2. JB.* Sed & (β) quæ jure gentilitio, sive ab extraneo, sive a remotiori consanguineo, sive pro rata ab æque propinquuo retrahuntur, vel ab uno familiarē membro in alterum intra terminos juri retractus lege præfinitos transferuntur *V. 1. 3. VI. 1. 3. JB.* cfr. *K. M. Utst. d. 15. Sept. 1756.* quemadmodum & (γ) quæ vel in *permutationibus III. 1. JB.* vel sicubi alienari bona avita contigerit, aut in *separationibus bonorum conjugalium XI. 7. GB.* aut in *cernenda bereditate XVII. 2. AB.* cfr. *K. Förordn. om Testam. d. 3. Junii 1686. §. 1.* compensationis jure in eorum locum surrogantur *II. 1. AB.* Hujusmodi bona, ex antiquissimis gentis nostræ moribus ac institutis, ac ob gravissimas, quas tamen expendere jam non vacat, rationes, toti in qua hereditaria semel facta sunt familiarē, sacra quasi esse voluit Legislator. cfr. v. *HEGARDT Diff. de jur. retr. gentil. Lond. Gotb. 1737. §. 3.* Atque inde est, quod nec jure in communionem inter conjuges venire *X. 1. 4. GB.* nec donari *VIII. 1. JB.* nec testamento, nisi quatenus illud leges successionis ab intestato sequatur, in quemquam transferri possunt *XVII. 1. AB.* Cum ergo in his donatio non subsistat; consequens est, vi eorum quæ ante *not. (c) di-* ximus, nec pacto antenuptiali ullum alteri conjugi in iis dominium constitui posse.



(g) Quæ in se *mobilia* sunt, triplici ex Jure nostro ratione *immobilium* induunt naturam. Aut enim prior dominus fideicommissariam legem illis scripsit, *K. Förordn. om Testam.* 1686. §. 5. aut propter inseparabilem velut cum re *principali immobili* nexum, tanquam *accessoria* ejus naturam sequi finguntur *X. 5. GB. II. 1. AB.* cfr. *XXVII. 10. BB.* quorum locorum duo priora ex iis, quæ ARNELL ad c. *V. GB. StL* commentatus est, egregie illustrantur; aut denique in locum immobilium hereditariorum quoquo modo alienatorum, ne elusoria reddi unquam possit sanctio legis *XVII. 1. AB.* surrogantur, horum, in manu primi heredis, vicem subitura *XVII. 2. AB. XI. 1. GB.* Cum itaque in primo casu absolute sint inalienabilia; in secundo vero, quoties res principalis hereditaria fuerit, ex eo quod circa hanc obtinet jure aestimanda veniant; in tertio autem non possint non eorum quibus surrogantur naturam referre, quod & de praediis municipalibus valet, quæ in locum provincialium hac ratione successerunt; evidens est, quam nec in singulis his casibus ulla in iis inter conjuges pacto introduci queat communio.

(h) *Fructuum* nomine non ea complectimur, quæ rei immobili, alluvione, vi fluminis, alveo murato vel adjunctione insulae natantis accedere possunt incrementa; nec quæ in illa, quo aut fructuosior, aut ornatior evadat, fiunt meliorationes. Hæc quippe nec in fructu sunt, nec a suo principali separari possunt *XVII. 5. AB. in fin.* Eos solum hac voce intellectos volumus proventus, redditus & utilitates, qui ex rebus extra possibilitatem pactitiae communionis constitutis, aut eorum occasione, colliguntur, rediguntur & percipiuntur. *Thesaurum* vero si forte in tuo fundo inventus fuerit, licet fructus adpellatione non

non contineatur, & qua dominum fundi, *acceſſionis* jure ceneatur, quin cum tua conjugē communicare possis, vix meo quidem judicio in *controversiam* vocandum esse videtur.

§. V.

Formam horum paſtorum absolvit ipsa, quæ iis-
dem, præter jus commune fit, lucrorum matrimon-
lium determinatio (a). Quæ quamvis in infinitum
variare possit, ad generalissimas tamen suas formas
reducta, eo fere redire intelligitur, ut aut tollatur o-
mnis plane non modo in bonis cuique ante nuptias
adquisitis, sed & in iis, quæ stante matrimonio utrin-
que obveniunt communio (b): aut excludatur qui-
dem omne in bonis utrinque ad nuptias adlatis con-
dominium, *adquaſtu* tamen, quoad fieri id potest,
communicato (c): aut denique restringatur ab una,
extendatur ab altera parte, quæ ex lege esse deberet
in bonis mutuis inter conjuges societas (d). In quam-
cunque autem formam convenerint nuptias inituri,
conditiones paſti adcurate erunt definiendæ. Quo-
rum enim nulla in paſto facta est mentio, ea non
pollunt non juris communis dispositioni relictæ cen-
ſeri (e).

(a) In proverbium fere abiit, *ſuperflua non nocere*. At prodeſſe eadem nemo temere dixerit. Si ergo paſto antenuptiali de aliis, quam quæ jure communi
definita leguntur, matrimonii conditionibus, non fu-
erit conventum, fruſtranea & nullius uſus iſtud erit
paſtum.

pactum. Neque enim pacisci præsumuntur homines, nisi juris sibi competentis mutandi causa.

(b) Vix obtinebit hæc forma, nisi viro, cui ex priori conjugæ sunt liberi, secundas contrahente nuptias cum femina, quam matrem adhuc evasuram sperari nequit. Quia vero præsumtio est, mariti esse, quæcunque ædibus ejus continentur; hinc si adscita his conditionibus in thalamum uxori mobilia sua in domum mariti inferre voluerit, necessarium omnino est, & ad avertendas lites, & ad omnem doli suspcionem removendam, ut vel ipsi pacto antenupciali inseratur, vel saltim in eodem distincte allegetur confecta legitime designatio eorum, quæ uxori sunt propria. Mariti enim, si forte facultatibus lapsus bonis cedere cogatur, de ea re confessionem, contra suos Creditores valitaram minime fore, unus quisque intelligit. Ex pari plane ratione uxori vindendum erit, ut super iis, quæ, deinde durante matrimonio, vel hereditate vel alio quoconque titulo ipsi adquiruntur, præsto sint instrumenta suum dominium plenissime probatura.

(c) Si hæc pacientibus placuerit communionis ratio, tum quia plures sunt adquæstus species, primum omnium in ipso pacto definiendum erit, quid hoc nomine intelligi, adeoque in communionem venire debeat, an nimicum adquæstus *naturalis*, vel in fructibus immobilium, durante matrimonio percipiendis, årlig rånta och aftrad af jord X. 2. GB. Råntan och inkomsten af Odaljord XI. 2. GB. vel in usu ex pecuniis redigenda, quam *civilem fructum* alii vocant, consistens; an solum *industrialis* ex ipso conjugum labore, mercatura, artificio &c. proveniens, som the under åchterskapet med egna flögder afslat V. 3. GB. an *lucratus*, qui sorte magis ac fortuna,

na, e. g. donatione, hereditate bonorum jure communicabilium, Testamento &c. accedere alterutri potest; vel an denique omnes hæ adquæstus species ad utrumque sive æquis sive inæqualibus partibus pertinebunt.

(d) Restrictionem non minus quam ampliationem communionis ultra terminos lege eidem præfinitos diversimode admodum fieri posse nemo est qui non videt. Restringitur scilicet, aut exceptis a communione certis, quæ alias eidem subjacerent bonis, reservato ei cujus prius erant in solidum eorum dominio: aut diminuta, quæ alteri ex bonis ab altero illatis aut quæ illi in posterum adquiri poterint, cedere jure deberet portione. Extenditur contra, aut vocatis in communionem bonis, quæ jure quidem a communione sunt exempta, at de quibus integra suis dominis constat pacisendi libertas, aut adsignata alteri lauatori, quam quod jure ipsi deberetur, in bonis communioni obnoxii condominio. Non vero restringi posse jura communionis ab una, nisi extendantur ab altera parte & vicissim, adeoque unum horam semper involvere alterum, ut quantum accedat uxori, tantum marito decedat & contra, per se patet.

(e) Strictissimi juris esse hæc pacta, ideoque non extendenda ultra momenta in specie iisdem designata, notissimum est. Ut igitur in dubio sic interpretanda sunt, ut quam minimum a jure communi descendatur; ita præfertim in casibus non expressis, etiam si & similis in iis quam in expressis esse videatur ratio, tutissimum est, ut hujus sanctione steretur. Quod enim pactum non dicit, id nec Judicis est dicere, in caussis in primis, in quibus non solorum contra-

hentium vertitur salus, sed vel maxime eorum qui
fuerint illis pecuniam crediderunt.

§. VI.

Quia autem recta postulat ratio, ut quam quisque sociorum fert lucri eam & ferat oneris cum lucro illo connexi partem, nullo negotio intelligitur partam inter conjuges bonorum *societatem*, si in *Leoninam* inciderit, legibus civilibus sustineri non posse (*a*). Quam primum igitur statuta est pacto antenuptiali quæ inter conjuges vigebit communionis bonorum forma, re ipsa etiam definitum est, quæ cujusque in diluendo ære alieno, si quod in communes usus conflari acciderit, futuræ erunt partes, quippe de quo partim ex ipsa societatis indole, partim ex iisdem, quæ posita communione legali obtinerent principiis, erit judicandum (*b*). Non enim his pactis efficietur unquam, ut si ex bonis, quæ in communionem venerunt, communibus debitibus satisfieri nequeat, Creditoribus intercludatur regressus ad eorum quæ restant solutionem ex bonis, etiam uxoris, extra communionem positis pro rata consequendam (*c*).

(*a*) Societatem ex qua alter lucrum tantum, alter damnum sentiret, jam olim *Leoninam* dictam, occasione procul dubio fabellæ *Aëlopicae*, quam exhibet *PHÆDRUS Lib. I. 5.* ex Aristone docet *ULPIANUS l. 29. §. 2. ff. pro socio*. Et sane quod ibidem & *l. 30. sequ.* monetur, iniquissimum est talem coiri societatem, ut aliam damni, aliam lucri partem socius ferat;

ferat. Neque enim lacrum intelligitur nisi omni danno deducto; neque damnum, nisi omni lucro deducto, cfr. §. 2. *Inst. de Societ.* & HOPPII ad e. l. comment. Quando autem damnamus has & quæ cæterum Leoninum sapiunt pactorum species, facile quisque videt, non eam nobis sedere opinionem, quod, si liquido adpareat talem societatem donandi causa fuisse initiam, subsistere eadem non possit respectu ipsorummet contrahentium, & quatenus bona donantis dannis pensandis suffecerint. Dicimus tantum, in dubio, & quoties aliud bona utrinque fide actum fuisse expresse non constat, interpretationem istius modi pactorum faciendam esse secundum æquitatem, quæ non sinit ut alteri per alterum iniqua inferatur conditio, cfr. XV. 8. *HB.* Ambigua scilicet intentio, ita accipienda est, ut res salva actori sit. l. 172. §. 1. ff. *de div. reg. Juris.*

(b) Debita, quæ alteruter conjugum vel (α) ante nuptias, nec tamen occasione nuptiarum; vel (β) stante quidem matrimonio, at in propriam suam utilitatem, ex qua in alterum nihil redundavit emolumenti; vel (γ) denique, sua ipsius culpa aut criminis sibi contraxit; eorum omnis inter conjuges, Jure nostro, sublata est communio, ut ex iis nec maritus pro uxore, nec vicissim uxor pro marito obligari, ne dum conveniri possit. De ultima debitorum specie, quin ex solius ejus qui deliquit bonis essent solvenda, nunquam dubitatum. cfr. XXI. 2. *EdsÖB.* & XIII. *DrB.* med vilja *LL.* Sed de duabus prioribus longæ inter Pragmaticos agitatæ sunt lites, quibus finem tandem imposuit, quod auditis singulis Regni Dicasteriis & Jure Consultorum responsis, promulgabatur *K. M. Rescr.* til Åbo *HofR.* d. 17 Nov. 1669. cui accessit *K. M. Resol.* och Förkl.

*d 28 Maii 1687. mom. 1. e quibus etiam petitâ sunt
quæ in hodierno Codice XI. 2. 3. 4. GB. de hoc
argumento sancta leguntur. Nulla ergo amplius mo-
veri poterit quæstio, nisi de debitibus, quæ aut ad fa-
ciendos sumitus sponsalitios ac nuptiales, aut post
consummatum matrimonium, vel in usus mutuos
qualescumque, vel socia utriusque culpa, contrahi
acciderit. Atque haec sunt, quorum inter conjuges
communionem, nisi diserte aliter cautum sit, ex for-
ma initæ bonorum societatis, qualisqualis illa de-
mum fuerit, æstimandam pronunciamus, ut quam
quisque elegit lucri partem, eam & damni elegisse
sit censendus. Inter socios quippe, quoties de sol-
vendis debitibus agitur, non id spectatur, quantum
quisque extra societatem possideat, sed in quantum
socius fuerit. Hinc & XI. 3. GB generaliter statui-
tur, excusis primum bonis communibus, quod de-
inde remanet æs alienum, ex bonis cuique sociorum
propriis esse luendum, non pro ratione eorum quan-
titatis, sed *efter then andel bvarthera i galden och bo-
laget äger.* Sin claris & perspicuis verbis immuni-
tatem a præstatione æris alieni, alter sibi stipulatus
sit, ratum quidem id erit, quounque ex facultatibus
alterius eidem fieri possit satis. An vero & in præ-
judicium creditorum aliquid operetur illa stipula-
tio mox videbimus.*

(c) Fieri jure non posse, ut in gratiam mariti pactis
antenuptialibus inseratur clausula, qua is obligatione
præstandorum communium debitorum eximeretur,
haud difficuler unusquisque perspicit. Talis nam-
que pactio & monstrissimis fenestram aperiret frau-
dibus, & maritum, quem natura caput societatis
conjugalis esse voluit, uxorio quasi imperio subjice-
ret. Hinc & istam pactorum nuptialium formam,

tan-



tanquam securitati humanæ societatis valde inimicam,
& mariti persona vel maxime indignam, omnibus
tantum non omnium moratorum gentium institutis
rejectam videas & improbatam. Potius in multis re-
gionibus usu invaluit, ut ex ære alieno, quod ultra
communium bonorum vires contraxerunt conjuges,
maritus absque ullo *divisionis beneficio* in solidum,
quoad ejus suppetant facultates; *uxor* vero tum pri-
mum, cum solvendo non est maritus, subsidiaria
tantum obligatione teneatur. Vid. MEVIUS ad *Jus Lubec.* Lib. I. Tit. V. Art. 7. §. 58. seqq. Quibus
tamen mitiores nostræ sunt leges, quippe quæ ma-
rito divisionis beneficium concedunt, ejusque bona,
tum demum, cum uxorem pecunia defecerit, in so-
lidum excutienda jubent. Utí vero ex dictis evidens
est, maritum pacto antenuptiali huic se obligationi
subducere minime posse; ita de uxore, cuius in
caussis debendi favorabilior conditio esse solet, quæ-
situm in foro novimus, annon fortassis illa immu-
nitatem a præstatione communium debitorum sibi
stipulata, si vel hæc facultates mariti superaverint,
ab actionibus Creditorum in totum debeat liberari?
Quod quidem negandum nobis videtur. Non infi-
ciamur, maritum in hoc casu omnia in se matrimonii
onera suscepisse. Sed quam omni pactioni ratio i-
pso indidit clausulam SALVO JURE TERTII, eam & huic
inesle firmiter sumus persuasi. An enim aliquid &
bonæ fidei pacientium & juri Creditorum magis
potest esse adversum, quam ita pacisci, *Ego te non
mea, sed aliorum impenia sustentabo: Reddam te cum
aliorum damno incompletiorē?* De suo, quoad jura
sinunt, donare cuique est integrum. At de alieno
ludere corio, & cum Creditorum nece conjugi suæ
gratificari velle, id quidem manifestissimæ improbi-

tatis esse fatebuntur, quotquot sunt qui aliquo tanguntur justitiae sensu. Sane, si ulla usquam gentium existeret lex, quæ uxoris bona ex debitibus in communem arcam versis non obligari pronunciaret, exstructum sibi gratulari possent prodigi omnes & decoctores asinatum pontem, cui insistentibus ipsis, Creditorum primum bona rapere; in muliebribus deinde beneficiis asylum querere; ibique tandem beatis ex iis rapinis ambobus, vivere impune liceret. Hinc nec sine causa Illustr. BYNKERSHOEK *Quæst.* *Jur. priv. Lib. II. c. 1.* in Batavos suos invehitur, quos inter, pessimo exemplo & magno cum publicæ rei detimento, moribus recepta est iniquissima pacificandi forma, qua mulier optionem sibi servat, an fuerum damnumque, an sua duntaxat, quæ attulit, salvæ babere malit, ut si bene cesserit communis oeconomia lucrum eligat, si male, damno renunciet, saque jure *πεωπονγχιας*, auferat. Nonne leonina hæc est pactio, qua nihil efficitur aliud, quam ut pro libidine mulierum evertantur Creditorum patrimonia. Obligabuntur ergo ex communibus debitibus ad solutionem etiam uxores. Non tamen obligabuntur ultra modum societatis, eumque vel ex pacto, vel si excludi omnem in bonis mutuis communionem placuerit, ex dispositione juris communis estimandum. Est scilicet feminis, non tam in favorem sexus, quam ob summam potius jurium, quæ circa administrationem rei familiaris marito & uxori competunt, inæqualitatem, id privilegii indultum, ut ex debitibus matrimonialibus, quo minus ipsæ se correas debendi effecerint, vel ut verba legis habent, utan sâ dr at man och bustru, begge för en, och en för begge, sig til galdens betalning förskrifvit bafva l. cit. nunquam nisi pro rata teneantur. Atque sic satis jam patere arbitri.

arbitramur, pactis antenuptialibus, utcunque concepsis, contra jus commune, quale loco classico *XI.*
3. GB. descriptum habetur, communibus conjugum Creditoribus, præjudicari nullatenus posse.

§. VII.

Interest conjugum, interest publicæ fidei, ut legitime, rite, & bona utrinque fide ineantur hæc pæcta: ut mota lite parata sit eorum probatio: & ut denique palam innotescat, in quas conditiones a conjugibus fuerit conventum. Hinc & varias, e quibus *substantiam* capiant, sollennitates in contractibus hisce observandas legislator præscriptis (*a*). Tales sunt, quod in *scripturam* redigi (*b*); subscriptione non contrahentium modo, sed & *idoneorum* in primis *testium* firmari (*c*); & intra certum tempus in *regeulis* *judicii adnotari* (*d*) debeant. Atque ea est horum follennium necessitas, ut, si vel unum eorum negligi aut omitti contigerit, *actus* nullus omnino & irritus habeatur (*e*).

(*a*) *Pactis nudis*, ut Romanis loqui mos erat, obligationem naturalem contrahentibus induci, inter omnes est in confessio. Id tamen non impedit, quo minus legibus civilibus actio ex iisdem in foro juste negetur. Etenim ad *veritatem* factorum tanto felius investigandam; ad præcavendas fraudes; ad ponendum judicum arbitrio modum; & ad restinguendum quadantenus in civibus intempestivum, de negotiis, quorum normam Jure communi præscriptam habent, contrahendi prutimum, adprime conducit, pæcta inter cives iniri solita certis alligari cærimoniis,

pro varia negotiorum natura ad obtinendos hos fines comparatis. Et hæc quidem sunt, quæ *sollertia* & *sollennitatis* juris dici solent.

(b) Circa ipsam scripturam s. instrumenti confectionem, quæ observanda sint, optime ex iis disces auctori-bus, qui cautelas contractuum exposuerunt, e quibus unum nominasse sufficiat SAM. STRYKUM, qui in opere *de caut. contract. necessar. Sect. I. c. VI.* singula, quæ huc spectant, copiose tatis est perlecu-tus. Si vero potissima ad quæ adtendum erit mo-menta scire aveas, hæc fere in compendium missa illa erunt; ut instrumentum claro ac perspicuo orationis genere, absque tricis & ambiguitate ulla, se-cundum veram contrahentium mentem, ordine con-cinnetur; ut ad scriptionem Charta adhibeatur sig-lata, quantam pro varia pactorum ac pacientium conditione requirit K. Förordn. d. 24 Januar. 1748. §. 18. ut vitentur rafuræ, cancellationes, lituræ, i-tem scriptiones interlineares, marginales ac apostilla, præsertim in iis quæ ad negotii substantiam perte-nent, ne suspecta reddatur instrumenti fides; ut ca-veatur ab abbreviaturis & in definienda in primis rerum pacto subjectarum numero, quantitate & aesti-matione, a notis numericis seu ciphris, adhibitis po-tius plenis litteris ac verbis, cfr. XXIV. 2. RB in fin. ut locus & dies conditi pacti exprimantur; ut a contrahentibus ipsis, vel, si scribere nesciant, eorum vice ab eo, qui ad instrumentum conficiendum ope-ram comodavit, nominum subsignatione corrobo-rentur: & ut tandem in majorem rei fidem adpo-nantur vel sigilla vel quibus cæterum contrahentes uti solent signa. De his autem singulis prolixius commentari jam non vacat.

(c) Pa-



(c) *Pactis antenuptialibus*, quam res agatur creditorum vel mariti vel uxoris, supra §. §. I. & III. a nobis est ostensum. Contra illos vero cum privatam conjugum scripturam nihil omnino probare posse omnes concedant; patetinde, ad convalidanda hæc pacta testium præsentiam absolute esse necessariam. Numerum eorum lex non determinat, sed cum plena hic requiratur probatio, duos ad minimum, & eos quidem omni exceptione majores, advocandos esse, ex XVII. 29. RB. efficitur. Quod regulariter non alii quam masculi adhiberi debeant, & ipsa negotii indoles, quæ follennitatem juris, cui & feminas intervenire tantum non ridiculum foret, efflagitat, sed & phrasis *gode mān*, qua lex VIII. 1. GB. utitur, plus satis demonstrant. Non ignoramus displicere nonnullis hanc doctrinam, & id quidem ex eo in primis capite, quod vocis *Man*, ceu & in vulgus notum, promiscuus in jure sit tam de viris quam feminis usus, quodque hæ ob solam sexus infirmitatem a dicendo testimonio non repellantur XVII 10. RB. At hi, *actus follennes* extra judicium gestos, a *factis* quorum alias necessaria incidunt probatio non satis discernunt; & diversissimas præterea quæstiones, quinam stricto jure testes esse debeant, & annon in casu necessitatis, dum masculi haberi non possunt, etiam feminarum testimonium ex æquitate ratum haberi queat, inter se confundunt. Id verissimum, phrasin *gode mān* XX. 6. AB. IV. 15. & VI. 1. UtſB. nonnisi de viris bonæ ac integræ famæ explicari posse: nec ullam adesse rationem cur vel loco allegato VIII. 1. GB. vel XVI. 1. AB. eadem in alium detorqueatur lensum, principiis juris, quæ feminas negotiis forensibus immisceri nolunt, adeo inimicum. Non autem sufficit rogatos testes, nomina

na tantum sua in fidem facti subscriptissim. Expressis
potius verbis, quo sic omnis celsus dolis suspicio, te-
stabuntur, pactum ante celebratas nuptias fuisse ini-
tum, nec præter rem erit, si addatur, partes delibe-
rate & libere in id consensisse.

(d) Adnotatio pactorum antenuptialium in regestis ju-
dicii, *intekning*, duplice in primis ex ratione sum-
me est necessaria, ut nimis (α) præcaveantur, quæ
suppositione falsorum instrumentorum haud difficul-
ter alias committi possent fraudes; & (β) in publi-
cum constare queat, quas in circa mutua bona
conditiones, convenerint conjuges. Et sane, nisi
hanc cautelam jura introduxisserent, actum fere esset
& conclamatum de publica fide & rerum credita-
rum securitate, exulcerato præsertim hoc ævo, quo
redactis ad incitas conjugibus nihil frequentius esse
solet, quam ut, nullos non dolos in Creditorum
perniciem machinati, in separatione bonorum fune-
stum tandem querant præsidium. Si occultare hac
pacta conjugibus liceret, quæ non inde securæ es-
sint turbæ? De pecunia credita, de pretio rerum
emitarum & de aliis quibuscumque rebus facile fides
haberetur ei, qui locupletem domum duxerit uxo-
rem. Ubi tamen fortuua deluserit maritum, mox
delusi erunt creditores. Ecce enim præsto esset fi-
cta conventio, testibus, in judicio quidem non re-
pellendis, sed ejus tamen generis, quibus perjuria
vendere nulla religio, firmata, quæ maritum ab o-
mni in ejus bonis communione excluderet, & cre-
ditorum simul res everteret. cfr. BYNKERSHOEK I.
cit. Quæ ergo, quam diu antiqua virtute & fide,
nec sua profundere, nec aliena appetere docti, vi-
tam agebant homines, vel necessaria minus, vel quæ
sakim per integri anni spatium differri posset, vide-
batur

batur hujusmodi pactorum apud judicem insinatio, *K. Br. d. 24 Mart. 1718.* cuius & alia fere tum, ac hodie fuit ratio: eam jus recentius, strictissima conjugibus obligatione injunxit, *VIII. i. GB.* At & adhuc nonnulla veram Legislatoris intentionem eludendi reducta erat via. Ruri domicilium habentibus, fatalis quidem præscriptus erat insinuationis terminus, *proximum a nuptiis judicium:* In municipiis autem peractis nuptiis *in continenti, straxt efter vigfæst,* eadem facienda edicebatur. Cumque facile adpareret, nonnisi cum latitudine quadam hanc accipendam esse loquendi formulam; accedit inde, ut in curiis urbicis, pro diverso judicantium arbitrio & recepto semel more, pro diversitate locorum diverso, haud parum variarent legitima insinuationis spatia, quæ fixa & æqualia ubique esse conveniebat. Fori præterea usu, contra evidentissimam legis rationem, arrepta, ut videtur, ex caussa plane dissimili, *IX. 4. AB.* occasione, invaluit, ut obsignata judiciis exhiberentur hæc pacta. Nec obesse quidquam credebatur, quo minus, qui de ordine nobilium essent, in Dicasteriis regni, tanquam foro suo personali, adnotanda eadem facerent. Ad tollendam itaque istam juris ambiguitatem & perversam fori consuetudinem emendandam, constitutione Regia ang. aftr. och förmöns samt Boskilsn. och urarfva mäl d. 26 Aug. 1773. §. 18. mom. 2. præfinitus est faciendæ eorum in urbibus insinuationi octavus a nuptiis dies, & simul decretum, ut aperta exhibentur, protocollo verbo tenus inferenda, & inde cuicunque exemplum eorum petenti exscribenda. Sed neque adnuc securitati & commoditati creditorum satis erat prospectum. Cum enim plerisque in locis usu venisset, ut regestis judicij ordinariis, ad festum

Michaëlis sequentis demum anni Supremo Dicasterio exhibendis, infererentur: periculum remansit, ne forte, colludente cum conjugibus Judice, post elapsum legitimum tempus, hujusmodi pacta sive vera, sive postea conficta, protocollo furtim velut inferrentur. Quocirca, si vel fideliter officio suo functus esset judex, iis quorum nosse intererat, quam bonorum societatem conjuges iniissent, multum inde molestia creabatur, quod rebus sicstantibus, nisi evolutis uno vel pluribus magnæ molis voluminibus, certiores ea de re fieri non possent. Ut ergo his obviam iretur malis, separato a regestis judiciorum ordinariis protocollo in posterum inferenda hæc pacta, eademque deinde intra tempus VII. 3. RB. definitum, & sub pari plane, quæ ibidem statuitur mulcta, Supremo Dicasterio, adnotatis in margine contrahentium nominibus, exhibenda jussit Rex Augustissimus *Litteris d. 16 Julii 1776.* datis; ut jam vix nisi dormientibus Creditoribus pactis hisce noceri queat. Est autem ex adlatis manifestum, nullius amplius usus esse, pactorum horum a Nobilibus initiorum in Dicasteriis Regiis adnotationem; eamque, non ad tento, an qui pacti sunt, aliquo fori personalis privilegio utantur, fieri debere vel in judicio territoriali, vel in curia majori illius loci ubi celebrati nuptias contigit. cfr. II. 3. VI. 3. VII. 1. RB. Angustior ceterum est terminus insinuationi eorundem præscriptus, quam ut in foro domicilii contrahentium cum effectu juris adnotari semper possint. Hinc, cum & præterea domicilium mutabile sit, locus contra nuptiarum mutari nequeat; tu-tissimum est, pariter ac Creditoribus commodissimum, ut *forum contractus*, si vel illud cum *foro domicilii* non coinciderit, his in causis conjuges sequan-

quantur. Facile autem perspiciet adtentus lector, quod si de dote tantum matutinali constituenda, vel successione conjugum, pactis antenuptialibus actum fuerit, non omnino necessariam esse eam illorum in iudicio adnotationem, cuius hactenus mentionem fecimus. Cessante enim in iis ratione legis, cessat etiam ejus dispositio.

(e) Formam externam, quam in contractibus civium servandam praescribere Legislatori placuit, individuam censeri, nec ab ejus observatione quemquam excusare se posse, tam notum est, quam quod notissimum. In primis id procedit, quoties actus aliter gestus, clausula, quam vocant, annullativa, expresse a lege irritatur. Hoc autem cum qua haec pacta differtis verbis, fiat, VIII. 1. GB. ei magis sordane fôrord galla, utan &c. neque ullum est dubium, quin vel uno horum sollemni deficiente, nulla debeant pronunciari. cfr. STRYKIUS I. cit. c. IV. §. 1.

§. VIII.

Accidit nonnunquam extraneis, ut in territorio Svecico bona possideant, de quibus nuptias inituri pacificantur (a). Contingit quoque, ut qui, pacta inter se certa quadam societatis bonorum forma, extre nuptias contraxerunt indigenæ aut peregrini, huc vel revertantur vel commigrent, sibique in nostra gente domicilium constituant. Ut vero effectum aliquem in nostris foris fortiantur pacta, quæ ab his suere inita, nequaquam sufficit, ut statutis loci contractus sint conformia; sed necesse est, ut ante nuptias condita & testium subscriptione firmata, intra certum temporis spatium, a die vel consummati matrimonii, vel con-

stituti domicilii, computandum, Judici competenti aetis publicis inferenda exhibeantur (b).

(a) Quando de extraneorum civium in patria bonis quæstio movetur, probe distinguendum est inter *mobilia*, quæ casu, aut quacunque de causa per tempus aliquod in nostro territorio persistunt, liberæ interim domini sui dispositioni subjecta; & *immobilia* sive per se, sive ex destinatione domini aut sanctio ne juris talia, perpetuique usus causa in nostra ditione permanens. *Illa* personam cujus sunt, ejusque domicilium sequi; *haec* vero legibus illius territorii in quo sita sunt subjacere iisque regi, immoti & expediti est juris. Horum scilicet respectu conjuges, non aliter ac subditi illius Principis, cujus imperio res ipsæ subsunt, considerari debent. De his itaque, non de illis, sermonem nobis jam esse, facile unusquisque perspicit.

(b) Quæ quoad patios cives supra adductæ sunt rationes, eadem suadent, ut nec *extraneis*, qua bona in nostro solo posita, nec *peregrinis* *jus domicilii adeptis*, nec *indigenis* post contractas extere nuptias *dumum reducibus*, de substantiali pactorum antenuptialium forma, quatenus possibilis ipsis ejus est obleratio, nihil quidquam beat remitti. Cavendum namque est, ne his magis quam aliis fraudum committendarum occasio suppeditetur. Atque huic principio etiam *jus nostrum* innititur. Quod vero *isis* anni & noctis: *illis* sex mensium; *bis* vero sex hebdomadum indulgeatur spatium, intra quod pacta sua in regestis judicii adnotanda curent VII. 2. 3. *GB.* ratio subest, quod partim per præsumtam in illis rei nostræ forensis ignorantiam, partim per rerum naturam fieri nequeat, ut citius eadem insinuare

re possint: & in Jure idem plerumque valeat, an impossibilis plane, an cum summa difficultate conjuncta sit rei alicujus expeditio. Currere autem qua extraneos, terminum fatalem insinuationis faciendæ, a die nuptiarum: qua peregrinos vero & indigenas domum reversos, a die constituti domicilii, satis liquet. Quemadmodum & dubio caret, illorum pacta in *foro rei sitæ*; horum contra in *foro domicilii* adnotari debere.

§. IX.

Intuitu futuri matrimonii iniri hæc pacta, hujusque adeo consummationem, necessariae instar conditionis esse, ex cuius existentia vim suam ac effectum nanciscantur, & ipsa eorum denominatio, & quæ haec tenus diximus, satis reddunt manifestum. Quod si ergo quacunque de cauſa non subsequantur nuptiæ; aut subsequantur quidem, sed matrimonium ob deprehensam ejus nullitatem rescindatur; necesse est, & illa, eo ipso destituta quasi, concidere (a). Veris autem nuptiis consecutis, dummodo recte fuerint adornata, vim induunt legis, ex qua conjugum in bonis mutuis jura dijudicanda erunt (b). Et licet non repugnet, eadem, quoad conjuges ipsos adtingunt, mutuo horum dissensu revocari posse: haud difficulter tamen intelligitur, qua creditorum iura & petitiones perpetuam iis & irrevocabilem tribuendam esse auctoritatem (c).

(a) *Morte Sponsi* aut *Sponsæ*, & *repudio* haud raro evenit, ut exitum non sortiatur, de quo conventum erat matrimonium. Accidit etiam, quoties *legitimum* adfuit *impedimentum*, vel *absolutum*, quo minus hæc persona, vel *respectivum* quo minus hæc ambæ mutuis jungentur nuptiis; pariter ac quoties alterius consensus aut dolo fuit elicitus aut metu extortus, ut vel lege jubente, vel ad in-

stantiam partis innocentis rescindi necesse sit matrimonium, tanquam quod ab initio jure erat nullum. Deficiente autem sic pacti conditione, deficere etiam omnem ex illo obligationem, eaque sublata, rem vel integrum restitut, vel qua *putatios conjuges* ad juris communis dispositionem *V. 3. XIII. 7. in fin. GB. & §. 8. ibd.* redire, per se patet. Atque hinc simul primum est intelligere, quae sit ratio, quod ante consummatas nuptias neque adnotacionem illius modi pactorum in judicio faciendam voluerit Legislatoris providentia.

- (b) *Suspensa* velut quiescent hæc pæcta, quādīa durant, aut Societas bonorum, aut, una cum illa, ipsum matrimonium. Ubi vero, vel lapsi facultatibus altero conjuge, ab altera ad separationem bonorum, *Boskilnæd*, provocatur, vel solato sive morte sive per divortium matrimonio, ad divisionem patrimonii pervenitur; tum eorum plene sese exserit effectus. Qui quidem in eo in primis consiluit, ut, confessio rite inventario *IX. 1. AB.* secundum illa, nec ex jure communi, separatio bonorum debeat peragi.
- (c) Verillima est regula, *nihil tam naturale esse, quam eo genere quidque dissolvi, quo colligatum est.* Sed non extendendum esse illius sensum ultra privata contrahentium jura, adeoque nec a conjugibus ad eorum creditores, ex iis, quæ de non lèdendo jure tertii antea satis monuimus, unusquisque intelligit.

§. X.

Ex his autem quæ jam diximus satis superque adparet, quemadmodum dissolvantur pæcta antenuptialia. Quibus cæterum modis, deducta in forum controversia, infirmari possint, & quomodo illorum instrui oporteat defensionem, facile adsequetur, quisquis ex universæ hujus tractationis serie intimorem eorum naturam perspexerit (a). Id unicum addere e re nostra erit, non omnem, sicuti in materia pæcti peccari contigerit, illud vulnus respuere medelam (b); formæ autem externæ vitium, quamvis paullo levius, in his, haud sècus ac in aliis qui strictissimi sunt juris, contractibus, insanabile plenumque haberi.

- (a) Loca, quæ rationes infirmandi in primis suppeditant sunt (a) qualitas contrahentium (b) Res pæcti subjectæ, & (c) forma pæcti externa in sollicitatibus consistens. Quæ ex quoque eorum deduci possint, causæ cujusvis indoles peritioribus facile suggerent.
- (b) Par plane hoc respectu pæctorum antenuptialium, quæ ultimarum voluntatum est ratio, ut qui in materia inciderit error, ad normam juris communis & possit & debeat corrigi, salva in cæteris manente pæcti substantia *XVII. 7. AB.* Sed & temporis & loci angustia ulteriorē nobis vetant horum persecutionem.